

T-2

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 20. sjednici, održanoj dana 19.05.2023. godine, d o n o s i

ZAKLJUČAK

I.

Prima se na znanje Izvještaj o radu Kantonalnog pravobranilaštva u Zenici za 2022. godinu.

II.

Izvještaj iz tačke I. ovog zaključka upućuje se u dalju skupštinsku proceduru.

III.

Ovaj zaključak stupa na snagu danom donošenja.

Broj: 02- 30-829 /23
Datum, 19.05.2023. godine
Z e n i c a

DOSTAVLJENO:

1x Ministarstvo za pravosuđe i upravu,
 1x Stručna služba Skupštine,
1x Kantonalno pravobranilaštvo u Zenici, putem Ministarstva,
1x a/a.





IZVJEŠTAJ
O RADU KANTONALNOG PRAVOBRANILAŠTVA ZENICA
za period od 01.01.2022. do 31.12.2022. godine

Broj: Up- 9 /23
Zenica, mart 2023. godine

Kantonalni pravobranilac

Sedad Kliko

Na osnovu odredbe čl. 31. Zakona o pravobranilaštvu («Službene novine Zeničko-dobojskog kantona», br. 12/13), Kantonalno pravobranilaštvo Zenica podnosi Vladi i Skupštini Zeničko-dobojskog kantona

IZVJEŠTAJ O RADU KANTONALNOG PRAVOBRANILAŠTVA ZENICA za period od 01.01.2022. do 31.12.2022. godine

I Uvod


Kantonalno pravobranilaštvo Zenica (u daljem tekstu: Pravobranilaštvo) je neovisan i samostalan kantonalni organ, koji preduzima mjere i pravna sredstva radi pravne zaštite imovine i imovinskih interesa Zeničko-dobojskog kantona (u daljem tekstu: Kanton).

Nadležnost i djelokrug rada Kantonalnog pravobranilaštva Zenica u odnosu na poduzimanje pravnih radnji i mjera u cilju zaštite imovine i imovinskih interesa Zeničko-dobojskog kantona, propisani su Zakonom o pravobranilaštvu («Službene novine Zeničko-dobojskog kantona», br. 12/13), kojim je određeno da poslove zaštite imovinskih prava i interesa Kantona i njegovih organa i organizacija, te drugih organa i organizacija koji nemaju svojstvo pravnog lica, a finansiraju se iz budžeta Kantona, obavlja Kantonalno pravobranilaštvo Zeničko-dobojskog kantona, koje vrši svoju funkciju na osnovu zakona i drugih propisa, a što podrazumijeva da Pravobranilaštvo obavlja slijedeće poslove:

- kao samostalan organ, u postupku pred sudovima i drugim nadležnim organima, zastupa Kanton kao zakonski zastupnik i preduzima pravna sredstva radi zaštite imovinskih prava i interesa Kantona i kantonalnih organa u svim sudskim i upravnim postupcima,
- preduzima mjere radi pokušaja zaključenja vansudske nagodbe prije pokretanja postupka pred nadležnim sudom ili drugim organom, ili u toku pokrenutog postupka, te zaključuje sporazume o vansudskim nagodbama sa dužnicima ili povjeriocima Kantona, uz saglasnost Vlade Kantona, odnosno Komisije za predhodnu saglasnost za zaključivanje sudske i izvansudske nagodbe Vlade Kantona,
- daje mišljenja prije zaključivanja privrednih ugovora i ugovora koji regulišu imovinsko – pravna pitanja,
- daje pravna mišljenja i pruža stručnu pomoć kantonalnim organima pri rješavanju imovinsko-pravnih odnosa,
- u okviru preventivnog djelovanja, prati i proučava pojave i probleme iz oblasti vršenja svojih funkcija koje se odnose na primjenu zakona, te obavještava nadležne organe i predlaže mjere za sprečavanje društveno štetnih pojava.

Pored navedenih, Pravobranilaštvo obavlja i poslove utvrđene posebnim zakonima i drugim propisima, koji su, između ostalih, slijedeći:

- podnosi nadležnim tužilaštvima i sudovima imovinsko pravni zahtjev u skladu sa Zakonom o krivičnom postupku, nakon obavještenja od strane nadležnog suda/tužilaštva, kada je usljed krivičnog djela oštećena imovina Kantona,
- pruža stručnu pomoć organima i pravnim licima kojima je prema Zakonu o pravobranilaštvu na to ovlašteno u rješavanju imovinsko-pravnih pitanja.



- daje pravna mišljenja na dostavljene prijedloge ugovora koji regulišu imovinsko pravna pitanja, a na osnovu ovlaštenja koja su utvrđena u: Zakonu o stvarnim pravima, Zakonu o poljoprivrednom zemljištu, Zakonu o koncesijama, Zakonu o šumama, kao i drugim zakonima i propisima,
- pokreće postupak za upis stvarnih prava na nekretninama čiji je nosilac Kanton, kao i upis javnih i općih dobara, na osnovu Zakona o stvarnim pravima,
- može podnijeti žalbu protiv rješenja kojim je povrijeđen zakon u korist pojedinca ili pravnog lica a na štetu javnog interesa, u skladu sa ovlaštenjem koje mu je dato odredbama Zakona o opštem upravnom postupku,
- na osnovu Zakona o upravnim sporovima može pokrenuti upravni spor, kad je upravnim aktom povrijeđen zakon na štetu Kantona, koga Kantonalno pravobranilaštvo zastupa po zakonu, kao i u drugim slučajevima određenim zakonom, u kojem slučaju su svi organi uprave, službe za upravu i pravna lica dužni da o takvim aktima, kad za njih saznaju, obavijeste Kantonalnog pravobranioca.

U skladu sa propisanom nadležnosti Pravobranilaštva i opisu poslova nosilaca pravobranilačke funkcije, u skladu sa Zakonom, Pravobranilaštvo Kantona obezbjeđuje:

- zakonito, stručno i efikasno vršenje poslova iz svoje nadležnosti,
- ostvarivanje saradnje sa ministarstvima, kantonalnim i općinskim organima, sa organima i organizacijama na nivou Federacije BiH, sa organima pravosuđa na svim nivoima, sa pravobranilaštvima na svim nivoima, posebno radi ujednačavanja prakse i zauzimanja stavova po istim ili sličnim pravnim pitanjima,
- praćenje i proučavanje sudske prakse i zauzimanje jedinstvenih stavova na Stručnom kolegiju vezano za predmete iz nadležnosti Pravobranilaštva i drugih spornih pitanja iz svog djelokruga rada.

U 2022. godini u radu Kantonalnog pravobranilaštva Zenica evidentirano je ukupno 12.285 predmeta, koji su shodno Pravilniku o poslovanju i vođenju evidencije u Kantonalnom pravobranilaštvu Zeničko-dobojskog kantona («Službene novine Zeničko-dobojskog kantona», br. 2/14) označeni i od kojih je:

- 244 parničnih spisa (oznaka „P“),
- 11.513 izvršna spisa od kojih je 8.057 spisa koji se odnose na neplaćenu sudsku taksu (oznaka „Ist“) i 3.456 ostalih izvršnih spisa (oznaka „I“),
- 8 upravnih spisa (oznaka „U“),
- 140 mišljenja (oznaka „M“),
- 314 raznih spisa (oznaka „R“) te
- 66 internih spisa (oznaka „Up“).

Od ukupnog broja svih predmeta u radu u 2022. godini (2.877 zaprimljenih predmeta i 9.408 nezavršenih predmeta prenesenih iz prethodne godine), u izvještajnom periodu je okončano ukupno 1.566 predmeta, dok je kao nezavršenih preneseno u narednu godinu 9.633 predmeta (od kojih se 9.306 predmeta odnosi na izvršne spise i to 6.096 za naplatu sudske takse i 3.210 za ostala prinudna izvršenja).

II Poslovi zastupanja

U okviru aktivnosti na poslovima zastupanja, kao najznačajnijim poslovima iz nadležnosti Pravobranilaštva, Pravobranilaštvo je angažovano na poslovima:

- *sačinjavanja tužbi Kantona protiv trećih lica i upućivanja istih nadležnim sudovima,*
- *izrade odgovora na zaprimljene tužbe protiv Kantona,*
- *ulaganju redovnih (žalbi, prigovora) i vanrednih pravnih lijekova (revizija, apelacija) protiv odluka sudova,*
- *uključivanja u svojstvu umješaka u sudske sporove po tužbama protiv drugih pravnih lica (osnovnih i srednjih škola radi primjene kolektivnih ugovora), te izrade odgovora tuženih na tužbe, te redovnih i vanrednih pravnih lijekova i apelacija,*
- *podnošenja prijedloga za izvršenje u ime Kantona i ulaganju prigovora protiv rješenja o izvršenju donesenih protiv Kantona, izradi pismenih podnesaka u toku trajanja izvršnog postupka,*
- *davanja pismenog odgovora na pravne lijekove druge stranke u postupku,*
- *zaključivanja sudskih i vansudskih nagodbi,*
- *podnošenja imovinsko-pravnih zahtjeva u krivičnim postupcima,*
- *pristupa i zastupanja na sudskim ročištima i raspravama pred organima uprave radi zastupanja interesa Kantona.*

U sudskim i upravnim postupcima Pravobranilaštvo učestvuje u svojstvu stranke u postupku i dužno je da poduzima sve pravne radnje koje su potrebne radi zaštite imovinsko-pravnih interesa Kantona.

U sudskim postupcima Pravobranilaštvo se pojavljuje u ulozi zakonskog zastupnika tužitelja, tuženog ili umješaka u parničnim postupcima, (što podrazumjeva uključivanje u sporove koji se vode pred sudom između drugih pravnih lica u pravnim situacijama kada Kanton ima interes da jedna od strana u sporu uspije u postupku), te tražitelja izvršenja i izvršenika u izvršnim postupcima.

U 2022. godini u radu je bilo ukupno 12.285 parničnih, izvršnih i upravnih predmeta, a Pravobranilaštvo je zastupalo Kanton na ukupno 170 zakazanih ročišta u sudskim postupcima, pred općinskim sudovima Zeničko-dobojskog kantona, Kantonalnim sudom u Zenici, te općinskim i kantonalnim sudovima van područja Kantona.

PARNIČNI POSTUPAK („P“)

U 2022. godini Pravobranilaštvo je u radu imalo 244 parničnih predmeta, od kojih je zaprimljeno 77 novih predmeta, a 167 predmeta preneseno je iz prethodne godine.

U izvještajnom periodu pravosnažno je okončano 61 parnica, a u 2023. godinu preneseno je 183 nezavršenih predmeta iz ranijeg perioda.

Pravobranilaštvo je tokom 2022. godine u ime Kantona podnijelo ukupno 6 tužbi i dalo 75 odgovora na tužbe, uložilo 28 žalbi na prvostepene presude i dalo 7 odgovora na žalbe suprotne strane, izjavilo 10 revizije Vrhovnom sudu Federacije BiH protiv drugostepene odluke. Važno je napomenuti da je prema odredbama Zakona o praničnom postupku određeno da se revizija može izjaviti kad je vrijednost spora minimalno 30.000, 00 KM.

Po zaprimljenim i riješenim tužbama u 2022. godini, Pravobranilaštvo je zastupalo Kanton u ukupno 77 parničnih postupaka, od kojih je

- u 6 parnica bio u ulozi tužitelja,
- u 71 parnica u ulozi tuženog.

Ukupna vrijednost svih parničnih sporova evidentiranih u izvještajnom periodu po kojima je rađeno iznosi 49.941.575,55 KM, u kojima je Kanton bio tužilac i tuženi.

Po podnesenim tužbama Kantona protiv trećih lica, zaprimljenih i okončanih u 2022. godini, ukupna vrijednost sporova je iznosila 584.213,88 KM od čega se iznos od 87.742,79 KM odnosi na zaprimljene tužbe u 2022.godini a iznos od 496.471,09 KM na okončane tužbe u izvještajnom periodu.

Ukupna vrijednost sporova svih podnesenih tužbi protiv Kantona zaprimljenih, te okončanih u 2022. godini iznosi 49.357.361,67 KM od čega se iznos od 1.327.088,70 KM odnosi na zaprimljene tužbe u 2022.godini, iznos od 48.030.273,00 KM se odnosi na ukupnu vrijednost tužbi iz ranijih godina a iznos od 256.394,31 KM na pravosnažno dosuđene i okončane tužbe.

Vrijednost svih parničnih sporova	Vrijednost tužbi Kantona protiv trećih lica	Vrijednost tužbi protiv Kantona	Vrijednost pravosnažno dosuđenih tužbi	Vrijednost dosuđenih tužbi protiv Kantona	Vrijednost dosuđenih tužbi u korist Kantona
49.941.575,55 KM	584.213,88 KM	49.357.361,67 KM	752.865,40 KM	256.394,31 KM	496.471,09 KM

Tokom 2022. godine u redovnom parničnom postupku, pravosnažno je okončano 46 predmeta po tužbama protiv Kantona, kojima je utuženo ukupno 49.357.361,77 KM, radi potraživanja po raznim osnovama (dug, naknada štete, prava iz radnog odnosa i dr.), a dosuđeno je ukupno 256.394,31 KM, (usvojeno je 26 tužbi /14 u cjelosti, 12 djelimično/, 9 tužbi povučeno i 11 tužbi je u cjelosti odbijeno za utuženi iznos od 49.043.010,85 KM.

Među odbijenim tužbanim zahtjevima, najznačajni su predmeti po tužbi "BBM" D.O.O. Vareš, u kojem je vrijednost postavljenog tužbenog zahtjeva 42.946.746,88 KM za koji iznos je odbijen, presuda je pravosnažna, i podnesena je revizija kao vanredno pravno sredstva od strane tužitelja Vrhovnom sud F BiH.

Drugi predmet je tužba tužitelja "Ferimpex" D.O.O. Zavidovići, u kojem je vrijednost postavljenog tužbenog zahtjeva 5.705.729,47 KM za koji iznos je u odnosu na Zeničko-dobojski kanton odbijen revizionom odlukom donešenu po reviziji Zeničko-dobojskog kantona, obzirom da je nižestepenim odlukama Kanton bio solidarno obavezan sa Fedracijom BiH na isplatu.

Pravosnažno okončano	Vrijednost pravosnažno okončanih predmeta	Vrijednost pravosnažno dosuđenih tužbi	U cjelosti odbijene i povučene tužbe	Vrijednost pravosnažno odbijenih tužbi	Uspjeh tužitelja u sporu
46 spisa	49.357.361,77 KM	256.394,31 KM	20 tužbi	48.893.576,16 KM	%

Po tužbama Kantona okončano je 15 predmeta, u kojima je utuženo ukupno 584.213,88 KM, od čega je 10 tužbi usvojene u cjelosti i dosuđeno u korist Kantona ukupno 409.415,94 KM, u 1 tužbi je zaključen sporazum o poravnanju na iznos od 87.054,40 KM, dvije tužbe povučene i dvije riješene na drugi način.

Pravosnažno okončane tužbe Kantona	Vrijednost spora po tužbama Kantona	Usvojene u cjelosti tužbe Kantona	Vrijednost dosuđenih tužbi u korist Kantona	Vrijednost sudske nagodbe u korist Kantona	Uspjeh tužitelja u sporu
15 tužbi	584.213,88 KM	10 tužbi	409.415,94 KM	87.054,40 KM	%

Od ukupno 61 pravosnažno okončanih predmeta u 2022. godini

- po tužbama protiv Kantona, dosuđeno je ukupno 256.394,31 KM (od čega se 113.894,75 KM odnosi na naknade po osnovu kolektivnih ugovora, škola, uprave, MUP i pravosuđe i 142.499,56 KM na ugovorene i regresne dugove, naknade šteta, naknade iz radnog odnosa, imovinska prava,
- u korist Kantona presuđeno je ukupno 409.415,94 KM, bilo da su usvojeni tužbeni zahtjevi Kantona ili su tužitelji odbijeni u cjelosti ili djelimično sa tužbenim zahtjevom ili je došlo do povlačenja tužbi od strane tužitelja ili je postupak okončan na drugi način (odbacivanjem tužbe, prekid postupka i sl.).

Povlačenjem tužbi u 2022. godini okončano je ukupno 7 predmet, ukupne vrijednosti spora 149.434,46 KM a odnosi se na naknadu štete i ispunjenje ugovorenih obaveza.

Pravosnažno okončanih u 2022.godini	Pravosnažno okončanih tužbi-Kanton tuženi	Pravosnažno okončanih tužbi-Kanton tužitelj	Vrijednost pravosnažno dosuđenih tužbi na štetu Kantona	Vrijednost pravosnažno odbijenih tužbi prema Kantonu	Vrijednost pravosnažno dosuđenih tužbu u korist Kantona
61 tužbi	46 tužbi	15 tužbi	256.394,31 KM	48.893.576,16 KM	409.415,94 KM

Sporovi za naknadu štete

U strukturi sporova za naknadu štete najznačajniji su sporovi zbog štete nastale neizvršenjem zakonskih i ugovornih obaveza, a najbrojniji su sporovi za štete nastale zbog šumske krađe, zatim štete na vozilu učesnika u saobraćaju zbog neadekvatnog održavanja puteva iz nadležnosti Kantona, štete zbog povreda na radu, štete nastale zbog nepropisnog postupanja državnih organa, štete zbog napada pasa lutilica i dr.

Iz ove grupacije sporova, Pravobranilaštvo je u 2022. godini zastupalo Kanton u 12 predmeta (ukupna v.s. 43.195.807,30 KM), od kojih su

- 18 tužbi zaprimljenih u toku godine ukupne vrijednosti spora od 821.661,10 KM u kojem je Kanton tuženi.
- 9 predmeta je okončano u 2022. godini ukupne vrijednosti sporova od 43.165.012,60 KM u kojim je Kantona bio tuženi.

Od ukupno 9 tužbi podnesenih protiv Kantona za naknadu štete, 4 tužbe su djelimično usvojene za iznos od 18.909,98 KM, odnosno odbijeni za iznos od 8.955,80 KM (zbog naknade štete pričinjene na radu i u vezi sa radom, naknade štete iz saobraćajnih nezgoda), 5 tužbi su odbijene u cjelosti za iznos od 43.137.146,80 KM.

Tužbama protiv Kantona zaprimljenim u 2022. godini (18 tužbi), potražuje se naknada štete u ukupnom iznosu od 821.661,10 KM, koje se odnose na potraživanje naknade materijalne i nematerijalne štete zbog propusta u postupanju organa uprave, štete u saobraćaju, naknadu štete zbog napada životinja.

U toku 2022. godine 1 tužba iz ove grupe odnosno Pravobranilaštvo je u ime Kantona podnosilo tužbu radi naknade štete na iznos od 5.943,00 KM, ista je povučena.

Štete zbog neizvršenja ugovornih i zakonskih obaveza

U ovoj grupaciji sporova prisutni su privredni sporovi koji proizilaze iz raznih pravnih odnosa Kantona sa drugim pravnim subjektima, i to najčešće radi naplate dospjelih, a nenaplaćenih obaveza koje proizilaze iz zakona, koncesionih ugovora, ugovora o kreditima, ugovora o raznim vrstama usluga, te kupoprodajnih ugovora po kojima nisu ispoštovani ugovoreni rokovi za plaćanje ugovorenih naknada. U ovim predmetima, kada dug nije sporan, u većini slučajeva dužnik izmiri dug prije nego što se zakaže rasprava po tužbi, u kojem slučaju tužitelj povlači tužbu.

U izvještajnom periodu Pravobranilaštvo je u ime Kantona podnijelo 4 tužbe radi naplate duga, ukupne vrijednosti od 108.095,00 KM (od čega je 1 tužba za isplatu duga po osnovu koncesionih ugovora, a 3 tužbe za isplatu duga iz ugovornih obaveza), dok je u istom periodu protiv Kantona podneseno 3 tužbi radi naplate duga ukupne vrijednosti 129.387,96 KM i 4 regresne tužbe u ukupnoj vrijednosti od 44.918,31 KM.

U izvještajnom periodu, po ovom osnovu pravosnažno je okončano 6 sporova po tužbama Kantona, podnesenim u ranijem periodu, ukupne vrijednosti 522.615,75 KM, od toga 1 tužba je riješena sudskom nagodbom za utuženi iznos od 87.054,71 KM, 1 tužba je odbijena za iznos od 75.823,34 KM, dok je u 4 tužbe dosuđen ukupan iznos od 261.737,50 KM (tužbe po osnovu duga).

U izvještajnom periodu, po ovom osnovu pravosnažno je okončano 4 tužbi po tužbama protiv Kantona, za ukupnu vrijednost 19.810,40 KM od čega 1 tužba udovoljena na iznos od 17.784,20 KM i 3 tužbe odbijene.

Štete proistekle iz šumske krađe

U toku 2022. godine Pravobranilaštvo nije podnosilo tužbe za naknadu štete zbog šumske krađe, obzirim da se tužbe iz ove grupe sporova podnose prema zahtjevima dostavljenim od strane Kantonalne uprave za šumarstvo za pokretanje postupaka za utuženje, te kako nije bilo dostavljenih zahtjeva po ovom osnovu, nije bilo ni tužbi.

Po ranije podnesenim tužbama radi duga za izvršenu šumsku krađu, u 2022. godini okončano je 2 spora tako što su tužbe u cijelosti usvojene.



Štete nastale u saobraćaju

Kako je Kanton odgovoran za bezbjedno odvijanje saobraćaja na cestama kojim upravlja, (Regionalne ceste) tužbe za štete nastale u saobraćaju najčešće se podnose za štete nastale zbog neadekvatnog održavanja cesta i objekata na istim, nepostavljanja odgovarajućih znakova upozorenja, odrona kamena na cestama i sl. (urušavanje mosta, oštećenje objekta usljed rekonstrukcije puta, saobraćajne nesreće usljed oštećenja puta, te drugi uzroci nastanka šteta na vozilu).

U izvještajnom periodu evidentirano je 13 tužbi protiv Kantona radi šteta nastalih u saobraćaju, ukupne vrijednosti spora od 85.561,46 KM, od kojih su 4 regresne tužbe u vrijednosti od 44.918,31 KM.

Po tužbama protiv Kantona iz ranijih godina, po ovom osnovu u 2022. godini okončano je 3 spora kojim je potraživano ukupno 73.601,14 KM, a dosuđen iznos od 47.826,71 KM.

Štete pričinjene trećim licima od strane organa ili uposlenika Kantona

Za štetu koju trećem licu u vršenju ili u vezi sa vršenjem svojih funkcija prouzrokuje kantonalni organ ili uposlenik Kantona, odgovara Kanton, kao pravno lice.

U toku 2022. godine podneseno je 5 tužbi protiv Kantona za naknadu šteta po ovom osnovu, ukupne vrijednosti od 365.196,96 KM. Tužbe su podnesene radi naknade materijalne štete zbog propusta u postupanju organa uprave Zeničko-dobojskog kantona.

U okviru ove grupacije sporova, u 2022. godini pravosnažno je okončano dva spora kojim je traženo 93.584,75 KM, na način da je u jednom dosuđen iznos od 17.784,20 KM, a u jednom sporu odbijen je tužitelj za iznos od 80.000,00 KM.

Štete nastale na radu ili u vezi sa radom

U izvještajnom periodu u Pravobranilaštvu nije bilo zaprimljenih tužbi radi naknade štete zbog povrede na radu.

Iz ove grupacije sporova u 2022. godini jedna je pravosnažno okončana tužba radi naknade štete zbog povrede na radu uposlenika Kantona u ukupnom iznosu od 9.160,00 KM.

Sporovi radno-pravnog karaktera

U 2022. godini Pravobranilaštvo je zastupalo Kanton (kao tuženog i kao umješaka na strani tuženog) u 43 sudskih sporova radno-pravnog karaktera (43 podnesene tužbe i 22 pravosnažno okončanih tužbi iz prethodnog perioda od čega su 3 povučene tužbe).

Shodno odredbi iz člana 11. stav (5) Zakona o pravobranilaštvu, Pravobranilaštvo ne zastupa organe i tijela Kantona u radnim sporovima već to vrši osoba zaposlena u organu ili tijelu Kanton akoju odredi rukovodilac organa, izuzev radnih sporova pokrenutih radi novčanog potraživanja. Bitno je navesti da Pravobranilaštvo ima određenih problema kad je u pitanju praksa sudova u primjeni navedene odredbe, odnosno po pitanju šta je radni spor, obzirom da je stav Pravobranilaštva da je predmet citirane odredbe svaki radni spor koji za predmet ima određeno utvrđenje prava iz radnog odnosa, neovisno što je uz takav zahtjev postavljen i zahtjev za novčano potraživanja. Ovo naročito iz razloga što je zahtjev za novčanim potraživanjem uslovljen zahtjevom za utvrđenjem određenog prava iz radnog odnosa. Stoga smatramo da Pravobranilaštvo ima ispravan stav po pitanju primjene citirane odredbe, naročito što su to sporovi po svojoj pravnoj prirodi upravo pristekli iz određenog postupanja ili ne postupanja organa uprave u pogledu prava iz radnog odnosa uposlenika Kantona.



Sporovi radi isplate plaća i naknada po Kolektivnim ugovorima

Radi isplate razlika plaća i drugih naknada primjenom Kolektivnog ugovora za djelatnost osnovnog obrazovanja u Federaciji BiH, u 2022. godini protiv osnovnih škola i srednjih škola sa područja Kantona podneseno nije bilo novih tužbi.

U toku 2022. godine podneseno je 18 tužbi protiv Kantona, radi isplate razlika plaća i drugih naknada na osnovu Kolektivnog ugovora za službenike organa uprave i sudske vlasti u Federaciji BiH ukupne vrijednosti 182.322,00 KM, a koje se odnose na potraživanja državnih službenika i namještenika organa uprave, Ministarstva unutrašnjih poslova, Općinskog suda u Zenici i Kantonalnog suda u Zenici.

Po tužbama radi isplate plaća i naknada na osnovu granskih kolektivnih ugovora iz 2022. godine, u izvještajnom periodu riješeno je 20 predmeta, kojima je potraživano 258.940,76 KM a dosuđeno ukupno 51.664,91 KM (5 tužbi su povučene za iznos od 96.634,69 KM)

Naprijed navedene tužbe, po kojima su donesene pravosnažne presude u toku 2022. godine, većim dijelom se odnose na utužene periode prije prestanka važenja granskih kolektivnih ugovora zaključenih 2000. godine, tj. prije decembra 2016. godine, a manjim dijelom na kasnije periode, kada su bili na snazi granski kolektivni ugovori zaključeni krajem 2016. godine, u kojem slučaju su tužbeni zahtjevi bili osnovani samo u dijelu u kojem važeći kolektivni ugovori nisu bili primjenjeni.

Ostali radni sporovi

U 2022. godini Pravobranilaštvo je imalo 26 tužbe protiv Kantona radi ostvarenja ostalih prava uposlenika iz radnog odnosa, koja glase na novčano potraživanje u ukupnom iznosu od 114.366,85 KM (isplata naknade za prevoz, isplata naknade za doprinose). Iz ove grupacije u 2022. godini nije bilo okončanih sporova.

Ostali sporovi

U 2022. godini Pravobranilaštvo je imalo u radu 3 tužbe koje se odnose na utvrđivanje prava vlasništva od koji je jedna presuđena (tužbi udovoljeno), jedna odbijena i jedna tužba u radu.

IZVRŠNI POSTUPAK („I“)

Tokom 2022. godine u radu Pravobranilaštva evidentirano je ukupno 11.513 izvršna predmeta (8.057 predmeta radi naplate sudske takse /„Ist“/ i 3.456 ostala izvršna predmeta /“I“/), od kojih je 9.111 preneseno iz predhodne godine.

U izvještajnom periodu zaprimljeno je 2.402 nova izvršna predmeta (1.316 radi primudne naplate pravosnažno dosuđenih potraživanja iz rješenja za šumsku štetu i 1.086 radi primudne naplate sudske takse), pravosnažno je okončano 875 predmeta, dok je 9.306 nezavršenih predmeta preneseno u narednu godinu.

Od ukupno 2.402 zaprimljena izvršna predmeta, 1.086 predmeta se odnose na prijedloge za izvršenje, koje je u 2022. godini u ime Kantona, Pravobranilaštvo podnijelo nadležnim sudovima, koji se odnosi na prinudnu naplatu neplaćene sudske takse i 1.284 prijedloga za prinudnu naplatu duga po osnovu ugovora o koncesiji, duga za štete nastale izvršenom šumskom krađom, te neplaćene troškove parničnog i izvršnog postupka, koji su dosuđeni u korist Kantona, 32 predmeta se odnosi na prijedloge za izvršenje za prinudnu naplatu duga, koji su podneseni protiv Kantona,

radi naplate dosuđenih naknada na osnovu pravosnažnih presuda (u pretežnom dijelu izvršenje po presudama po osnovu duga troškova parničnog postupka).

Od ukupnog broja 11.513 izvršnih predmeta u radu u 2022. godini, Kanton je tražilac izvršenja u 10.949 predmeta dok je u 564 predmeta Kanton izvršenik.

Od ukupno 11.513 izvršnih predmeta, koji su bili u radu u toku 2022. godine, donošenjem rješenja o izvršenju okončano je ukupno 1.121 predmeta, od kojih se 875 predmeta odnosi na sudske takse, a 246 predmeta na ostala izvršenja. Po osnovu neplaćene sudske takse i ostalih izvršenja po raznim osnovama u toku 2022. godine u korist Kantona je realizovano ukupno 205.006.00 KM.

Ukupno u radu	Pravosnažno je okončano/naplaćeno	Sudske takse „Ist“	Ostali izvršni predmeta“I“,	Preneseno iz prethodne godine	Zaprimljeno izvještajnom periodu	Preneseno u narednu godinu
11.513	1.121	8.057	3.456	9.111	2.402	9.306
Vrijednost	205.006,00 KM	184.830,25 KM	20.175,75 KM			

Izvršni postupci, u kojima se Kanton pojavljuje u ulozi tražioca izvršenja, odnose se na izvršni postupak pokrenut protiv lica koja ne vraćaju kredite dobijene iz budžetskih sredstava, lica za koja je utvrđeno u krivičnim i prekršajnim postupcima da su odgovorni za šumsku krađu, lica koja nisu po rješenju suda platili sudsku taksu i prijedlozi protiv pravnih i fizičkih lica, koja nisu platila obaveze dosuđene Kantonu pravosnažnim presudama.

U okviru preventivnog djelovanja, prije pokretanja izvršnog postupka, Pravobranilaštvo je upućivanjem pismenih opomena dužnicima u većem broju predmeta uspjelo da obezbjedi plaćanje sudske takse bez podnošenja prijedloga za izvršenje.

Prijedlozi za izvršenje koji se podnose u ime Kantona, odnose se uglavnom na prinudnu naplatu sudske takse koja nije plaćena dobrovoljno u vođenim parničnim postupcima pred općinskim sudovima u Kantonu, koje su određene rješenjem sudova. U toku trajanja izvršnog postupka do konačne naplate duga i dalje su prisutni problemi koji se odnose na ispravnu oznaku naziva i adrese izvršenika i na statusne promjene izvršenika, što je od uticaja na dužinu i ishod samog izvršnog postupka. A takođe su izvršenja po prijedlogu Kantona u većem broju slučajeva otežana i iz razloga što su računi izvršenika često blokirani ili ugašeni, odnosno što izvršenik-fizičko lice nema nikakve imovine na kojoj bi se moglo provesti izvršenje.

Također, Pravobranilaštvu se dostavljaju rješenja za plaćanje sudske takse u kojima je takseni obveznik strano pravno lice, odnosno fizičko lice koje ima prijavljeno prebivalište van teritorije Bosne i Hercegovine. U tom slučaju jedini način za naplatu sudske takse je provođenje postupka izvršenja u zemlji u kojoj pravno lice ima sjedište, odnosno fizičko lice boravište, na način da je potrebno postupiti prema pravnom pravilu „Lex rei siti“, odnosno preme pravilim domaćeg prava. Ovakav postupak je nije svrsishodan jer podrazumijeva prethodno predijmljivanje troškova koji su najčešće nesrazmijerni u odnosu na glavno potraživanje. U tom smislu je od značaja uloga nadležnih sudova koji odlučuju u postupcima i utvrđuju taksu da vode računa o taksenom obvezniku, da li se radi o stranoj pravnoj ili fizičkoj osobi, jer u dosadašnjoj praksi takva potraživanja ostaju neplaćena jer su predmet složene procedure povezane sa nesrazmjernim troškovima.

U toku 2022. godine u svim okončanim parničnim i izvršnim postupcima, na ime naknade i nagrade za rad (zastupanje) Kantonalnog pravobranilaštva, koji predstavljaju troškove postupka, u korist Kantona, ukupno je dosuđeno 71.019,00 KM od čega iznos 29.840,60 KM se odnosi na dosuđene troškove u parničnom a 41.178,40 KM na troškove u izvršnom postupku.

U okviru preventivnog djelovanja, Pravobranilaštvo daje pravna mišljenja organima i tijelima Kantona po pitanju korišćenja i raspolaganja državnom imovinom, pruža stručnu pomoć organima i tijelima Kantona čije interese zastupa u rješavanju imovinsko-pravnih pitanja, kao i drugih subjekata kada je to u interesu Kantona, predlaže nadležnim organima poduzimanje određenih pravnih radnji u cilju zaštite državne imovine, te saraduje sa kantonalnim i općinskim tijelima u rješavanju imovinsko-pravnih pitanja.

U skladu sa članom 13. Zakona o pravobranilaštvu, kantonalni organi i organizacije čije imovinsko-pravne interese Pravobranilaštvo zastupa, dužna su da u poslovima pravnog prometa prije zaključenja pravnog posla, pribave mišljenje Pravobranilaštva, ali u onim ugovorima u kojima se pribavljaju stvari ili raspolaze stvarima, odnosno materijalnim (vlasničkim) pravima u vlasništvu Kantona. Pravobranilaštvo u svom radu pruža stručnu pomoć shodno gore citiranoj odredbi svim subjektima koji dostavljaju zahtjeve za davanje mišljenja koja nisu obuhvaćena navedenom odredbom, u kojem slučaju davanjem eventualane stručne pomoći nadležnost Pravobranilaštva je iscrpljena.

U 2022. godini Pravobranilaštvo je imalo zastupljene sve navedene oblike preventivnog djelovanja, od kojih su najzastupljeniji davanje pravnih mišljenja (oznaka „M“), te upućivanje opomena za dobrovoljno ispunjenje obaveza za koje su Pravobranilaštvu upućeni prijedlozi za podnošenje tužbi ili prijedlozi za izvršenje od nadležnih kantonalnih organa.

U izvještajnom periodu Pravobranilaštvo je u radu imalo 140 zahtjeva za davanje pravnih mišljenja, od kojih je 33 zahtjeva preneseno iz prethodne godine, a 107 zaprimljeno u 2022. godini.

Ukupno je dato 104 pravnih mišljenja koja se odnose na mišljenja po ugovorima (kupoprodajni ugovori, ugovori o koncesiji, ugovori o građenju, ugovori o raznim vrstama usluga, ugovori o zakupu, ugovori o javnoj nabavi i dr.), a preko 100 usmenih mišljenja o kojima se ne vodi poseban upisnik a odnose se na druga pravna pitanja iz različitih pravnih oblasti (imovinsko-pravna pitanja, radno pravo, naknada štete, obligaciona prava mogućnosti sklapanja sudskih i vansudskih nagodbi iz osnova sudskih presuda, te s tim u vezi pitanje redosljeda naplate potraživanja i dr.).


U okviru preventivnog djelovanja, Pravobranilaštvo kontinuirano saraduje sa nadležnim kantonalnim ministarstvima, sudovima i tužilaštvima, kao i sa općinskim i kantonalnim pravobranilaštvima sa područja Federacije Bosne i Hercegovine u cilju usaglašavanja stajališta o određenim pravnim pitanjima i što efikasnije zaštite imovinskih interesa Kantona.

IV Poslovi vezani za rad Pravobranilaštva

U okviru poslova vezanih za rad Pravobranilaštva, najčešći su poslovi izrade raznih rješenja o pravima iz radnog odnosa zaposlenika u Pravobranilaštvu (rješenja o ocjeni namještenika i državnog službenika, o korištenju godišnjeg odmora, te drugim pravima iz radnog odnosa), uvjerenja izdata o podacima iz službene evidencije Pravobranilaštva, izrada općih akata Pravobranilaštva, te izvještaji i informacije o radu Pravobranilaštva.

Iz ove grupacije predmeta („Up“) u radu je bilo 76 predmeta, od čega je 15 preneseno iz prethodne godine, 61 predmet je zaveden u izvještajnom periodu, 52 predmeta su okončana u 2022. godini, a 24 predmeta su prenesena u narednu godinu.

Iz ove grupe predmeta smatramo važnim istaknuti provedeni postupak arhiviranja bezvrijedne arhivske građe (BRG) koji je proveden u saradnji sa Arhivom Federacije Bosne i Hercegovine, u skladu sa pozitivnim propisima koji uređuju arhiviranje uopće. S tim u vezi navidimo da smo u tom postupku prethodno bili u obavezi donijeti Listu kategorije arhivske građe, te nakon dobijanja saglasnosti na istu od strane Arhiva Federacije BiH, pristupili izdvajanja BRG,



koja datira iz perioda osnivanja ovog Pravobrnailaštva, kao pravnog sljednika Međupćinskog javnog pravobrnailaštva. Ovo ističemo jer navedeno predstavlja zahtjevan fizički angažman svih uposlenika Kantonalnog pravobrnailaštva i mimo radnog vremena, obzirom da arhiva datira iz 1957. godine pa na dalje, obzirom da arhiviranje do sada nije provođeno.

V Kadrovi

U Kantonalnom pravobrnailaštvu Zenica angažovano je 7 uposlenika (od kojih su 3 nosioci pravobrnailačke funkcije, pravobrnailac i 2 zamjenika), 1 državni službenik (stručni saradnik) i 3 namještenika (tehnički sekretar, upisničar, operater-upisničar).

Imenovani Pravobrnailac je ranije bio Zamjenik pravobrnailoca u ovom Pravobrnailaštvu radi čega je potrebno voditi računa o pokretanju procedure imenovanja zamjenika pravobrnailoca a shodno Pravilniku o unutrašnjoj organizaciji i sistematizaciju radnih mjesta u Kantonanom pravobrnailaštvu, kako bi se rad mogao nesmetano obavljati u skladu iz Zakonom o pravobrnailaštvu i citiranim pravilnikom. U tom smislu Pravobrnailaštvo će pokrenuti potrebnu proceduru za popunu navedene pozicije.

Kantonalno pravobrnailaštvo je u izvještajnom periodu u skladu sa propisanom procedurom izvršilo prijem dva pripravnika/volontera na period od 1 godine za obavljanje pripravnčkog staža u Pravobrnailaštvu bez zasnivanja radnog odnosa. Pripravnici/ volonteri su svoj pripravnčki staž obavljali u 2022.godine kad im je sa završekom iste, istekao volonterski staž.

Imajući u vidu zakonom propisanu nadležnost Kantonalnog pravobrnailaštva, obim i složenost poslova koje obavlja, posebno strogo poštivanje zakonskih rokova za poduzimanje potrebnih radnji u svim postupcima, bilo bi optimalno da se u Pravobrnailaštvu, uvede dobra praksa angažovanja minimalno dva 2 pravnika-volontera godišnje, (koju smo imali u 2022.godini) što bi značajno doprinijelo efikasnijem radu Pravobrnailaštva (posebno na izvršnom referatu), a takođe bi za pravnike-pripravnike bilo značajno obučavati se i raditi na predmetima iz raznih oblasti prava. Smatramo da će angažiranje pripravnika ili volontera imati pozitivan uticaj, kako na rad u jednostavnijim i manje složenim pravnim stvarima a s druge strane to daje mogućnost da poslije završenog pripravnčkog staža, pripravnici ili volonteri budu osposobljeni za rad na složenijim pravnim poslovima a čime bi Pravobrnailaštvo dalo svoj doprinos u segmentu društvene odgovornosti.

Također smatramo da je u pogledu radno-pravnog statusa pripravnika/volontera potrebno urediti na način da se isti uvedu i u Pravilnik u organizaciji i sistematizaciji radnih mjesta u Kantonalnom pravobrnailaštvu, a što je cilj u našem budućem djelovanju u izradi interenih akata, na čemu će mo u narednom periodu svakako nastojati, donošenjem Pravilnika o unutrašnjoj organizaciji, i učiniti.

Slijedom naprijed navedenog, a uobzirujući nastojanja Pravobrnailaštva u ranijim izvještajima o potrebi angažmana pripravnika kao i razlozi za njihov angažman s uspjehom izvještavamo da smo realizirali plan angažmana dva pripravnika/volontera što se direktno odrazilo na izvršni referat, kao i naše dalje nastojanje da u ovom segmentu kroz Pravilnik uvedemo kao sistematizovano radno mjesto i na period od dvije godine za obavljanje pripravnčkog staža kako je to regulisano u Općinskim sudovima ali i određenim Pravobrnailaštvima.

Dalji problem kad je u pitanju kadar, odnosno struktura uposlenih u Kantonalnom pravobrnailaštvu, jeste problem vršenja poslova iz oblasti računovodstveno-knjigovodstvenih poslova a prema pozitivnim propisima iz oblasti revizije i računovodstva. Naime, navedni poslovi su itekako značajni i složeni, a prema Pravilniku o unutrašnjoj organizaciji, navedeno radno mjesto nije sistematizovano ali i obim tih poslova, koji su povremeni, ne iziskuju stalni angažman takvog

uposlenika koji bi bio stručni saradnik, odnosno VSS, ekonomskog smjera, zbog čaga ne bi bilo ni racionalno takvo radno mjesto i u buduće sistematizovati. Smatramo da bi navedene poslove trebao obavljati državni službenik, stručni saradnik koji navedene poslove obavlja u nadležnom ministarstvu. Ovo iz razloga jer eventualni prijem takvog uposlenika u Pravobranilaštvo ne bi bio zadovoljen njegov puni angažman imajući u vidu obim navedenih poslova.

VI Materijalno-tehnička opremljenost Pravobranilaštva

U pogledu materijalne opremljenosti, Kantonalno pravobranilaštvo radi u poslovnim prostorijama izgrađenim 70-tih godina prošlog vijeka, koje je potrebno u cjelosti renovirati iz razloga što postoji realna opasnost od nastanka štete od instalacija koje nisu dostatne, što zbog dotrajalosti što zbog nepostojanja uopće, da udovolje potrebama normalnog funkcionisanja i upotrebe stalnih sredstava kojim radimo. Same poslovne prostorije su adekvatne i namjenski predviđene za Kantonalno pravobranilaštvo, koje po svojoj strukturi i površini svakako odgovaraju ovom organu, ali je iste potrebno modernizirati u skladu sa vremenom sve radi racionalnijeg i ekonomičnijeg korištenja.

Dalje, stanje službenih prostorija je dotrajalo da nisu dovoljna manja ulaganja jer je potrebno izmijeniti podove, stolariju, toalete, zatim promijeniti namještaj, da bi i izgled kancelarija Pravobranilaštva dao potreban dignitet ovoj instituciji, a pravobranilac, zamjenici pravobranilaca i ostali uposlenici konačno dobili zadovoljavajući radni prostor, potpunu materijalnu opremljenost i samim tim optimalne uslove za efikasan rad.

Značaj Pravobranilaštva u pitanju zaštite interesa kantona, kako u pravnim stvarima u kojim ima pasivnu, tako i u onim u kojim ima aktivnu ulogu u postupcima te zaštite a što se vidi iz ovog izvještaja kao i ranijih kao prilog toj nepobitnoj činjenici a to se ogleda u ostvarenju konkretnog prihoda u budžet Kantona kroz postupke izvršenja gdje se Pravobranilaštvo pojavljuje kao zakonski zastupnik ali i sprečavanju rashoda iz budžeta u postupcima u kojima je Kanton tuženi.

Dalje navodimo, a u prilog gore rečenom, da je budžet ovog organa minimalan ali isti upoređujući sa ostavrenim prihodom, kako direktnim tako i indirektnim, je dovoljan razlog da se Pravobranilaštvu da značaj koji mu pripada, kako u funkcionalnom tako i u materijalno-tehničkom, kadrovskom i svakom drugom obliku.

U tom smislu očekujemo da će se pristupiti renoviranju službenih prostorija u kojim je smješten ovaj organ, iako sredstva u budžetu za 2023. godinu nisu opredjeljena za te namjene jer Pravobranilaštvo nije bilo u poziciji da predloži zahtjev prilikom donošenja budžeta, ali se kroz rebalans mogu stvoriti pretpostavke za taj naš zahtjev. Postupak upisa vlasništva nad predmetnim prostorijama je u toku, jer je neizvjesno do kad će isti trajati, a stanje u funkcionalnom smislu otežava rad i funkcionisanje Pravobranilaštva.

VII Osnovni zadaci i programska orijentacija Pravobranilaštva u 2023. godini

U ostvarivanju principa ustavnosti i zakonitosti i ostvarivanju funkcija i zadataka koji prozilaze iz Zakona o pravobranilaštvu i drugih zakonskih propisa, aktivnosti Kantonalnog pravobranilaštva Zenica će i u narednom periodu biti usmjerene na:

- Poduzimanju mjera i aktivnosti radi pravne zaštite imovine i imovinskih interesa Kantona,
- Afirmaciji svih vidova preventivne djelatnosti Pravobranilaštva, kao što su sporazumno rješavanje spornih odnosa,

- *Kontinuiranom praćenju pojava i problema vezanih za primjenu zakona u praksi, te iniciranju izmjene istih, putem nadležnih institucija,*
- *Organizovanju radnih dogovora sa ministarstvima i drugim organima u cilju što stručnijeg i efikasnijeg rada i postizanja boljih rezultata u zaštiti imovine Kantona,*
- *Ostvarenju saradnje sa federalnim i državnim organima i pravobranilaštvima na svim nivoima radi ujednačavanja prakse i zauzimanja stavova po pravnim pitanjima vezanim za primjenu zakonskih i drugih propisa, saradnju sa pravosudnim organima, organima uprave i drugim pravnim subjektima u cilju ostvarenja funkcije koje proizilaze iz naše nadležnosti,*
- *Ukazivanju Skupštini i Vladi Kantona na uočene pojave i probleme koji ugrožavaju i narušavaju imovinu Kantona, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te u okviru svoje nadležnosti, davati prijedloge za sprječavanje istih,*
- *Edukaciji nosilaca pravobranilačke funkcije i drugih uposlenika putem seminara, savjetovanja, kurseva, praćenja sudske prakse i nove zakonske regulative,*
- *Obezbjedenju kadrovskih (popuna upražnjenih pozicija zamjenika Pravobranilaca i namještenika) i materijalno-tehničkih uslova za postizanje veće ažurnosti i efikasnosti u rješavanju predmeta iz nadležnosti Pravobranilaštva,*
- *Sačinjavanje Izvještaj o radu Kantonalnog pravobranilaštva za izvještajnu godinu,*
- *Redovno vršenje poslova na izradi raznih podnesaka koji se odnose na parnični, izvršni, vanparnični, upravni postupak kao i upravni spor pred nadležnim sudovima i drugim organima i tijelima koji odlučuju o pravima i obavezama Kantona, postupanje u zemljišno-knjžnim stvarima kod podnošenja zahtjeva za upis Kantona, izjavljivanje pravnih lijekova u tim postupcima i sl.,*
- *Preduzimanje mjera i aktivnosti na utvrđivanju mogućnosti sporazumnog rješavanja spornih odnosa, a u već nastalim sporovima nastojati najefikasnije otkloniti sve štetne posljedice ili iste umanjiti,*
- *Preventivno djelovati kroz sugestije i pravna mišljenja subjektima koje zastupa kako bi se otklonili svi pravni osnovi za eventualno potraživanje štete ili drugog prava,*
- *Obavezno učešće Pravobranilaštva u postupcima izrade Općih akata kojima se regulišu imovinsko-pravni odnosi,*
- *Praćenje i proučavanje društvenih odnosa koji su važni za ostvarivanje funkcije Pravobranilaštva,*
- *Uredno obavljati administrativno-tehničke poslove iz djelokruga ovog organa, poslovi pisarnice, uredno voditi propisane upisnike i druge poslove i zadatke,*
- *Raditi na izradi internih akta, pravilnika koji nisu doneseni ili usklađeni za zakonima koji su u nadležnosti Pravobranilaštva,*
- *Obezbijediti potrebna sredstva za nabavku stalnih sredstva (propisanih polica), donijeti potrebne materijalno - pravne osnove za arhiviranje predmeta shodno Zakonu o arhivskoj građi Zeničko-dobojskog kantona i drugih propisa koji regulišu postupanje sa arhivskom građom (predmetima i spisima),*

- *Saradnja sa Arhivom Federacije BiH u postupku arhiviranja i uništavanja bezvrijedne arhivske građe,*
- *Edukovanje namještenika koji su određeni za vršenje arhivskog poslovanje,*
- *Rad na ažurirnju u rješavanju predmeta iz ranijih godina i pokretanja odgovarajućih postupaka,*
- *Racionalno koristiti sredstva za rad te se pridržavati i drugih mjera štednje,*
- *Nastojanja vansudskog rješavanja novih sporova iz radno- pravnih odnosa koji se odnose na utuživanje za isplate razlike doprinosa iz razlika plaća koje su bile predmet radnijih postupaka i isplata, o čemu je Zeničko-dobojski kanton upoznat radi čeg aočekujemo da se aktivno uključi u postupak obzirom da će navedene tužbe dodatno opteretiti budžet Kantona,*
- *Praćenje ostvarivanja ustavnosti i zakonitosti kao i o svim uočenim pojavama eventualnog kršenja pozitivnih propisa obavijestiti Skupštinu i Vladu Kantona.*



PRILOG:

- ***Tabela 1 – pregled prenesenih, zaprimljenih i riješeni predmeta po referatima u 2022. godini***
- ***Tabela 2 – prikaz vrijednosti sporova u parničnim postupcima u izvještajnom periodu***

Tabelarni prikaz spisa u 2022. godini

<i>Oznaka spisa</i>	<i>Broj spisa prenesenih iz 2021. godine</i>	<i>Broj spisa zaprimljenih u 2022. godini</i>	<i>Ukupan broj spisa u radu u 2022. godini</i>	<i>Broj okončanih spisa u 2023. godini</i>	<i>Broj prenesenih spisa u 2023. godinu</i>
<i>“P” (parnični)</i>	167	77	244	61	183
<i>“I” (izvršni)</i>	2.140	1.316	3.456	246	3.210
<i>“Ist” (izvršni-sudska taksa)</i>	6.971	1.086	8.057	875	6.096
<i>“U” (upravni)</i>	4	4	8	2	6
<i>“M” (mišljenja)</i>	33	107	140	104	36
<i>“R” (razno)</i>	69	245	314	248	66
<i>“Up” (interni)</i>	24	42	66	30	36
<i>Ukupno</i>	9.408	2.877	12.285	1.566	9.633

Tabela 2 – prikaz vrijednosti sporova u parničnim postupcima u izvještajnom periodu

svih parničnih sporova		Ukupna vrijednost svih parničnih sporova 575,55 KM		49.941.575,55 KM	
Vrijednost u sporovima u kojima je Kanton tužitelj		Kanton tužen		Vrijednost u sporovima u kojima je Kanton tuženi	
584.213,88 KM				49.357.361,77 KM	
Vrijednost po zaprimljenim tužbama (15 tužbi)	Vrijednost po pravosnažno okončanim tužbama (10 tužbi)	Vrijednost po zaprimljenim tužbama (46 tužbe)	Vrijednost po pravosnažno okončanim tužbama (46 tužbe)		
584.213,88 KM	496.470,34 KM	1.327.088,77 KM	48.030.273,00 KM		
Vrijednost u cjelosti usvojenih tužbi Kantona protiv trećih lica (10 tužbe)				Dosuđeno	Odbijeno
409.415,94 KM				265.394,31 KM	48.004.638,70 KM
Vrijednost sudske nagodbe u korist Kantona					
87.054,40 KM					